



## SIARAN AKHBAR

### **THE 10<sup>TH</sup> ANNUAL BRUNEI DARUSSALAM ROUNDTABLE 2014** **“SATU DEKAD KEMAJUAN DAN PERTUMBUHAN: PELAN HALA TUJU KE HADAPAN”**

**THE EMPIRE HOTEL AND COUNTRY CLUB, JERUDONG, NEGARA BRUNEI DARUSSALAM**  
**HARI ISNIN, 17 ZULHIJJAH 1435 BERSAMAAN DENGAN 13 OKTOBER 2014**

---

*The 10<sup>th</sup> Annual Brunei Darussalam Roundtable* telah diadakan pada hari ini, Isnin, 17 Zulhijjah 1435 bersamaan dengan 13 Oktober 2014, di The Empire Hotel & Country Club, Jerudong, Negara Brunei Darussalam. *Roundtable* ini dianjurkan bersama Asia Asset Management Hong Kong dan Pusat Perbankan, Kewangan Dan Pengurusan Islam (CIBFM), serta disokong oleh Autoriti Monetari Brunei Darussalam (AMBD).

Tetamu Kehormat di majlis ini ialah Yang Berhormat Pehin Orang Kaya Indera Pahlawan Dato Seri Setia Awang Haji Suyoi bin Haji Osman, Menteri Pembangunan selaku Timbalan Pengerusi AMBD. Turut hadir ialah Yang Mulia Dato Paduka Awang Haji Ali bin Apong, Timbalan Menteri di Jabatan Perdana Menteri; ahli-ahli Lembaga Pengarah AMBD; Setiausaha-Setiausaha Tetap; tetamu-tetamu khas; pegawai-pegawai kanan Kerajaan serta pegawai-pegawai eksekutif daripada institusi-institusi kewangan.

Ucapan pembukaan yang disampaikan oleh Yang Berhormat Pehin Orang Kaya Indera Pahlawan Dato Seri Setia Awang Haji Suyoi bin Haji Osman, antara lainnya menekankan keperluan untuk meningkatkan sumbangan sektor kewangan kepada 8% dalam Keluaran Dalam Negeri Kasar (KDNK) selaras dengan Wawasan Brunei 2035, khususnya sektor pasaran modal dan insurans. Seterusnya, Yang Berhormat Pehin juga menyentuh mengenai peluang untuk meningkatkan sektor kewangan Islam serta pembangunan modal insan dan kemahiran melalui kerjasama dan komitmen pihak-pihak yang berkaitan.

Tema *Roundtable* pada kali ini adalah “Satu Dekad Kemajuan dan Pertumbuhan: Pelan Hala Tuju Ke Hadapan”. Seminar ini memberi peluang kepada para pengawalselia dan peserta industri untuk berkongsi buah fikiran dan pendapat mengenai tren-tren pelaburan terkini, perkembangan pasaran modal di negara-negara ASEAN dan pembangunan kapasiti sumber tenaga manusia dalam sektor perkhidmatan kewangan.

*Roundtable* pada tahun ini dihadiri oleh lebih daripada 150 peserta dari dalam dan luar negara, termasuk pegawai-pegawai Kerajaan, pengawalselia-pengawalselia bidang kewangan dan peserta-peserta industri.

Autoriti Monetari Brunei Darussalam

Tarikh: 27 Zulhijjah 1435 / 13 Oktober 2014

Rujukan: AMBD/MD/24